



VISCHNAUNCA DA SCHLUEIN

Uorden da scola

Approbaus entras la radunonza communal dils 27 da mars 2015

Entrada en vigor: 01-08-2015

Cuntegn uorden da scola

		Pagina
	Disposiziuns generalas	3
art. 1	Scalems da scola	3
2	Obligaziun d'ir a scola, liug da scola, gratuitadad	3
3	Uras da bloc	3
4	Structuras dil di	3
5	Purschidas supplementaras	3
6	Mesiras pedagogicas specialas el sector bass	4
7	Giudicament, promoziun e midada	4
	Persunas d'instrucziun	4
8	Relaziun d'engaschament	4
	Direcziun dalla scola	4
9	Direcziun dalla scola	4
	Cussegl da scola	4
10	Organisaziun	4
11	Habilitad da decider	5
12	Obligaziuns e cumpetenzas	5
13	Presidi	6
	Giurisdicziun	6
14	Via giudiziala	6
	Disposiziun finala	7
15	Entrada en vigur	7

UORDEN DA SCOLA

Sebasond sin igl art. 20 dalla lescha davart las scolas popularas dil cantun Grischun (lescha da scola) dils 21 da mars 2012.

Indicaziuns da persunas, funcziuns e professiuns en quei uorden da scola serefereschan ad omisduas schlatteinas, nun ch'ei seresulti enzatgei auter ord il senn dils singuls artechels.

Disposiziuns generalas

art. 1

Scalems da scola ¹ La vischnaunca da Schluein meina ils suandonts scalems da scola:

- a) scoletta
- b) scola primara

² La frequentaziun dalla scoletta ei da principi voluntara. Per affons da lungatg jester eis ei obligatoric dad ir a scoletta (2 onns).

art. 2

Obligaziun d'ir a scola, liug da scola, gratuitadad L'obligaziun d'ir a scola, il liug da scola e la gratuitadad sedrezzan tenor il dretg cantunal.

art. 3

Uras da bloc Sil scalem dalla scoletta e dalla scola primara garantescha la vischnaunca las uras da bloc prescrettas dil cantun.

art. 4

Structuras dil di Tenor basegns porscha la vischnaunca structuras dil di supplementaras.

art. 5

Purschidas supplementaras ¹ Tenor basegns sa la vischnaunca crear purschidas supplementaras sco lavur sociala da scola ni purschidas da timeout.

²Tenor basegns vegnan endrizzadas purschidas specialas per scolars cun duns particulars.

art. 6

Mesiras pedago-
gicas specialas el
sectur bass

La vischnaunca ei responsabla per ordinar e realisar las mesiras pedagogicas specialas ella sparta bassa.

art. 7

Giudicament,
promoziun e
midada

Il giudicament sco era la promoziun e la midada dils scolars en auters scalems da scola succedan tenor dretg cantunal.

Persunas d'instrucziun

art. 8

Relaziun
d'engaschament

¹ Las persunas d'instrucziun ein emploiadas dalla vischnaunca.

² Per las persunas d'instrucziun vegnan las disposiziuns dalla legislaziun cantunala davart il personal applicadas conform al senn.

Direcziun dalla scola

art. 9

Direcziun dalla
scola

¹ La vischnaunca sa nominar ina direcziun dalla scola.

² Per la direcziun dalla scola vegnan las disposiziuns dalla legislaziun cantunala dil personal applicadas conform al senn, nun ch'il carnet da duers dil meinascola prescivi enzatgei auter.

Cussegl da scola

art. 10

Organisaziun

¹ Il cussegl da scola consista da tschun commembers. Il president dil cussegl da scola presidescha quei gremi. Il gerau da scola ella suprastanza communal ei il medem mument president dil cussegl da scola, pigl auter seconstituescha il cussegl da scola sez.

² Il cussegl da scola vegn convocaus dil president dil cussegl da scola aschi savens sco las fatschentas pretendan ni sin giavisch d'in commember dil cussegl da scola.

³ Allas sesidas dil cussegl da scola san vegnir clamadas en cass da basegns ulteriuras persunas cun vusch consultativa.

⁴ Las sesidas ein da protocollar.

art. 11

Habilitad
da decider

¹ Il cussegl da scola ei habels da decider, sche dapli che la mesadad dils commembers ei presenta. En cass da paritad dallas vuschs en damondas specificas decida il president, tier elecziuns vegn tratg la sort.

art. 12

Obligaziuns e
cumpetenzas

¹ Il cussegl da scola meina e survigilescha la scola ed exequescha la legislaziun cantunala e communal da scola. El ademplescha tut las incumbensas dils fatgs da scola ch'ei buca surdadas ad in'otra autoritad ni instancia entras decrets cantunals ni comunals.

² Il cussegl da scola ha oravontut las suandontas incumbensas:

- a) far propostas per mauns dalla suprastonza communal per l'elecziun ni/e relaschada da persunas d'instrucziun e la direcziun dalla scola;
- b) reeleger persunas d'instrucziun;
- c) decider davart entscheiver anticipadamein ni stuschar l'entrada en scoletta ni scalem primar;
- d) decider davart la cuntinuaziun digl onn da scola en ina classa pli bassa, sch'in affon ei surdumandaus;
- e) decider davart sursigilir ina classa;
- f) decider davart purschidas supplementaras per affons da lungatg jester;
- g) decider davart la disposiziun ni terminaziun da mesiras dalla pedagogia speciala ella sparta bassa;
- h) decider da sclauder in affon dalla scola duront il temps da scola obligatoric;
- i) decider davart la recepziun d'in affon dad in'otra instituziun ch'ei responsabla per la scola sco era davart la taxa da scola;
- j) fixar las vacanzas - cun excepziun dallas vacanzas d'atun e da Nadal - en entelgientscha ed en coordinaziun culs cussegls da scola dalla regiun, sco era declarar sco obligatorias occurrenz da scola specialas che han liug ils suentermiezdis libers ni las sondas;

- k) decretar in reglament davart absenzas e congedis;
- l) decretar in uorden disciplinar;
- m) decretar in reglament davart las structurass dil di inclusiv igl uorden dallas tariffas;
- n) decretar in carnet da duers per la direcziun dalla scola;
- o) decretar in reglament davart il perfecziunament ed il congedi da perfecziunament dallas persunas d'instrucziun e la direcziun dalla scola;
- p) decretar ulteriuras prescripziuns e reglaments pil menaschi da scola;
- q) castigiar surpassaments digl art. 68 dalla lescha da scola;
- r) eleger il miedi da scola ed il dentist da scola.

art. 13

Presidi

¹ Il president dil cussegl da scola representa quei gremi anovians, prepara las fatschentas e procura ch'ils conclus pri vegnien exequi.

² En cass urgents pils quals il cussegl da scola ei responsabels, pren il president dil cussegl da scola las mesiras necessarias. Aschinavon che quei ei pusseivel decida il cussegl da scola definitivamein en caussa a caschun da sia proxima sesida.

Giurisdicziun

art. 14

Via giudiziala

¹ Encunter disposiziuns e decisziuns dallas persunas d'instrucziun, dalla direcziun dalla scola e dil president dil cussegl da scola en fatgs da scola san ins recuorer enteifer diesch dis tier il cussegl da scola.

² Encunter disposiziuns e decisziuns dil cussegl da scola en fatgs da scola san ins recuorer enteifer diesch dis tier il Departament d'educaziun, cultura e protecziun digl ambient dil Grischun, nun che la lescha cantunala da scola prescrivi enzatgei auter.

³ Encunter decisziuns d'assegnaziun negativass ed encunter disposiziuns concernent la nunpromozziun ni la promozziun san ins recuorer enteifer diesch dis tier igl Uffeci per la scola populara ed il sport. Igl uffeci sa preveder ina procedura speciala per giudicar ils recuors.

Disposiziun finala

art. 15

Entrada en vigur Quei uorden da scola entra en vigur suenter l'approbaziun entras il Departament d'educaziun, cultura e protecziun digl ambient dil cantun Grischun retroactiv per igl empren d'uost 2015 e remplazza igl uorden da scola existent dils 14 d'avrel 2000.

Il president communal:

Il scarvon:

Bruno Wellinger

Augustin Beeli

Approbau dil Departement d'educaziun, cultura e protecziun digl ambient tenor disposiziun dil departement dils 22-10-2015.

Il schef:

Martin Jäger